



## Zigakinige dibagewin

Owi Endaawin Awi'iwegaazijig Bake'nakii Gamig Inaaaknigewin bagidinigaaziwog debendamajig wiigwaam awii naadaabikinomowaa-aad awi-iwegaazijig zigaakinige dibagewin wegwen gwaa ninda eni-zhibiigaademigag:

- waankiiwin dibagewan
- wesiin binaajichiged zigakinige dibagewan
- awi'iwengijegijig zhichigewin waankii dibagewin (newen endaawin awi'iwegaazijig e'digosing zhichigewinan dibishko gonaa jiibaakogaaziwin maage bangii biinchigewin)

Ensa bezhig owi zigakinige dibagewin, debendamjig wiigwaam aabdeg:

- ada windamowaa-aan awi 'iwegaazijig owi zigakinige dibagewin(an) dowendaagwog jibwaa nooziwinkaadamowaad owi awi'iwegaazad bezhigwendaman mazinigan (maage giishpin owi aawong wesiin binaajichiged zigakinige dibagewin, jibwaa bagidininogaazowaad awi'iwegaazijig awii ayaawaa-aad wesiinin)
- miingaaziwaad awi-iwegaazijig debwe mazinigan e'waabmdowemigag owi minik ayaawong zigakinige dibagewin, apii giizhigad owa wiigwaam debendang agaa debinang miinwaa temigag owi awi-iwewin wiigwaam miinwaa owi maamowising wiigwaaman

**Gikinwaadendan:** Debendamajig wiigwaaman maawaandonimajig zigakinige dibagewin(an) ada majiginaanaa-aa owi zhoonyaa owi minik awi'iwegewin. Awi'iwegaazijig goweta adaa nikaazinaa-aa owi zhoonyaa onji shkwaach giizis awi-wewin giishpin debendamjig wiigwaam zhibiimowaad nendamowaad.

## Waankiiwin dibagewin

Debendamajig wiigwaaman adaa naadaabikinomowaa-aan awi'iwegaazijig waankiiwin dibagewin apii owi awi'iwewin maajitaamigag maage giishpin temgag onagimigewin (apii gwaya meshkod odaapinang owi awi'iwegaazad bezhigwendaman mazinigan). Apii ekwaasemigag owi awi'iwewin, owi waankiiwin dibagewin adaa nikaazam awii dibagaademigag awi'iwewin mazinigewin, binaajichigewin, maage aanke gichi biinchigewin gewe awi'iwegaazijig doodamowiniwaa.

Owi waankiiwin dibagewin gaawii maamdaa woshme adaa aawizino aabata owi ntam giizis engindemigag awi'iwewin. Giishpin owi engindemigag awi'iwewin aawong \$800, owi waankiiwin dibagewin aawon \$400. Aanigodinang debendamajig wiigwaam bagidinamiwaa-aan awi'iwewin noondaaj dibagewin owi awi'iwewin engindemigag. Owi waankiiwin dibagewin aabata owi moshkin engindemigag awi'iwewin, gaawii owi noondaaj dibagewin.

**(ginowaabmdan aazho mazinigan)**

## **Wesiin binaajichiged zigakinige dibagewin**

Apii debendamajig wiigwaam bagidinaawaad awi'iwējig awii ayaawaa-aad wesiinin zhiwe awi'iweng wiigwaaman, gnimaa adaa naadaabikinigewog wesiin binaajichiged zigakinige dibagewin. Owi wesiin binaajichiged zigakinige dibagewin e'maandonigaadeg biitwi Odemin-giizis 30, 2010 apiinish Miin-giizis 31, 2014 gaawii maamdaa woshme aabita adaa aawizino owi nigo giizis awi'iwewin engindemigag. Owi wesiin binaajichiged zigakinige dibagewin e'maandonigaadeg apii maage shkwa Minoominike-giizis 1, 2014 adaa aawon apiinish nigo giizis awi'iwewin engindemigag. Giizhaa eyaajig awi'iwējig zhaazhigwa agaa dibamowaad wesiin binaajichiged zigakinige dibagewin gaawii maamdaa awii gagwejimigaaziwaad awii dibamowaad owi agaa ombinaagaademigag minik dibagewin. Debendamajig wiigwaaman goweta adaa naadaabikinigewog bezhig wesiin binaajichiged zigakinige dibagewin, maanji gwa minik wesiinig begidinigaaziwaad zhiwe owi awi'iwewin.

Maanda zigakinige dibagewin adaa nikaazam awii dibagaademigag gego eshpaamigag biinchigewin nendowendaagwog maage binaajichigewin owi wiigwaam maage maamowising wiigwaaman gewe wesiinig.

Giishpin wiigwaaman debendamajig bagidiniwaa-aad awi'iwegaazijig awii ayaawaa-aad wesiinin jibwaa Odemin-giizis 30, 2010, gaawii maamdaa awii naadaabikinigewaad owi wesiin binaajichiged zigakinige dibagewin owa wesiin.

Wiigwaaman debendamajig **gaawii maamdaa awii naadaabikinigewaad owi wesiin binaajichiged zigakinige dibagewin gewe awi'iwegaazijig e'penimowaad owa anookiitaaged wesiin.**

## **Awi'iwegaazijig zhichigewin waankiiwin zigakinige dibagewin**

Wiigwaaman debendamajig maagwejjig awi'iwegaazijig zhichigewin adaa gagwejimaa-aan awi'iwegaazijig awii dibamowaad owi awi'iwegaazijig zhichigewin waankiiwin zigakinige dibagewin. Awi'iwegaazijig zhichigewin waankiiwin zigakinige dibagewin adaa aawinon goweta aabita owi nigo giizis awi'iwegaaziwaad zhichigewin dibagewin.

Maanda zigakinige dibagewin adaa nikaazam awii dibagaadeg wegwen gwa gaawi debagaadesinag awi'iwegaaziwaad zhichigewin engindeg maage bkaan mazinigewin e'nowendaagwog owi awi'iwegaaziwaad zhichigewin (dibishko gonaa giishpin owa awi'iwegaazad binaajaad daabaan-an enkaazang awii bimidaabaanigoong miinwaa gaawii dibazig binaajichigewin).

Giishpin owi awi'iwegaazad zhichigegewin giikigindemigag zaam owi minik bemaadizijig eyaawaad zhiwe endang giikisemigag, owa awi'iwegaazad(gaaziwaad) gnimaa adaa gagwejimaa awii aanke dibaged owi awi'iwegaazad zhichigewin waankii zigakinige dibagewin – apiinish aabita owi oshki awi'iwegaazad zhichigewin engindeg.

## **Apii awi'iwegaaziwaad zaagidodegiziwaad**

Giispin gaawii gego zinagiziwinan tesinag owi ekwaasemigag owi awi'iwewin, debendamajig wiigwaam aabdeg ada biskaabinaanaa-aa kina owi zigakinige dibagewin(an) miinwaa gashkichigewin, gewen awi'iwegaazijig biinji midaaswi shi niwin giizhigad owi ekwaasemigag awi'iwewin.

Debendamajig wiigwaam gnimaa adaa dowendaanaa-aa kina maage gmaaminig owi zigakinige dibagewin giishpin:

- awi'iwegaazijig gaawii agii dibaziinaa-aa awi'ige dibagewin maage awi'igegaazad zhichigewin dibagewinan
- awi'iwegaazijig maage wesiiniman agii binaajichigewog owi awi'iwewin wiigwaam maage maamiwising wiigwaaman
- awi'iwegaazijig maage wesiiniman agii nigadaanaa-aa owi wiigwaam wiininaagwog

Debendamajig wiigwaam aabdeg ada niindaa-aawaan awi'iwegaazijig ezhibiigaade wiindamaagewin owi mazinigewin owi zigakinige dibagewin. Giishpin owi mazinigewin noondaaj aawong owi zigakinige dibagewin(an), owa debenjiged aabdeg adaa biskaabinaan owi minik gaawii mezinigesing.

Giispin awi'iwegaazijig miinwaa debendamajig wiigwaam aagonetaadiwaad newen mazingewinan debigaadeg nikaazang owi zigakinige dibagewin(an), wegwen gwa ezhi bezhigowaad adaa gagwejimaawaan owi Endaawin Awi'iwegaazijig Bake'nakii Gamig awii zhitonid giizhendamowin wegwen age debinangiba owi zigakinige dibagewin(an).

Owi bake'nakii gamig ada gajitooon awii naadimowaad owa debendang wiigwaam miinwaa awi'iwegaazad giizhiikimowaad owi gagwedwewin nikaazang nanaginiwewin. Giishpin nanaginiwewin gaawii nakiisinag, owa bake'nakii gamig naagaanzid ada giizhaakinige wegwen age debinang owi zigakinige dibagewin miinwaa gashkichige zhoonyaa. Owa naagaanzid adaa giizhaakinige owi nikiiyaa:

- nda gikendang kina gikendamowin owa debendang wiigwaam miinwaa awi'iwegaazad maagwewaad, maage
- gagwejimaad owa debendang wiigwaam, awi'iwegaazad miinwaa gewe gego gekendamajig awii zhaawaad odi bake'nakii gamig owi onji bazindaajigewin

Awi'iwegaazawaad adaa nendamoog awii nikaazang owi wesiin binaajichige zigakinige dibagewin maage awi'iwegaazad zhichigewin waankii zigakinige dibagewin owi gego gagwedwewin ado debendang wiigwaam gnimaa age miinaad newen.

## **Aginjigaadeg owi zhoonyaa maamowiseg mezinigeng owi zigakinige dibagewin**

Debendamajig wiigwaam aabdeg ada dibamowaan awi'iwegaaziwaad zhoonyaa maamowiseg owi zigakinige dibagewin owi onji apii agaa debinamiwaad apiinish ne-aab miinaawaad owa awi'iwegaazad. Owi gimaawin zhisidoon owi epiitaag maamowiseg zhoonya debagaadeg newen zigakinige dibagewin.

Awii waabmdaman megwaa miinwaa aazhigo maamowiseg zhoonyaa epiitaag maage awii agindaman owi zhoonyaa maamowiseg owi dibagewin:

- azhaan odi [www.manitoba.ca/rtb](http://www.manitoba.ca/rtb), maage
- giigidan owi Gikendamowin Wiigwaam odi 204-945-2476 odi Winnipeg; wenpash giigidowin odi 1-800-782-8403; miinwaa naagidoon newen wenaamjiginan zhiwe giizhaa ezhising giigido biiwaabikong zhichigewin awii nda-gikendamaman owi zhoonyaakewin owi zigakinige dibagewin.

**(ginowaabmdan aazho mazinigan)**

## **Woshme gego awii gikendaman:**

Owi debwewin mazinigan goweta aawon gaachibiigan dibaajimowin newen zigakinige dibagewinan. Woshme gego awii gikendaman, ginoosh owa Endaawin Awi'iwegaazijig Bake'nakii Gamig maage azhaan odi: [www.manitoba.ca/rtb](http://www.manitoba.ca/rtb).

**Winnipeg Nakii Gamig**  
Endaawin Awi'iwegaazijig  
Bake'nakii Gamig  
1700 – 155 Carlton Street  
Winnipeg, MB R3C 3Y4  
Giigidowin: 204-945-2476  
Giigidowin diba'igesiing:  
1-800-782-8403  
Maagonan:  
[rtb@gov.mb.ca](mailto:rtb@gov.mb.ca)

**Brandon Nakii Gamig**  
Endaawin Awi'iwegaazijig  
Bake'nakii Gamig  
143-340 9th Street  
Brandon, MB R7A 6C2  
Giigidowin: 204-726-6230  
Giigidowin diba'igesiing:  
1-800-656-8481  
Maagonan:  
[rtbbrandon@gov.mb.ca](mailto:rtbbrandon@gov.mb.ca)

**Thompson Nakii Gamig**  
Endaawin Awi'iwegaazijig  
Bake'nakii Gamig  
113-59 Elizabeth Dr  
Thompson, MB R8N 1X4  
Giigidowin: 204-677-6496  
Giigidowin diba'igesiing:  
1-800-229-0639  
Maagonan:  
[rtbthompson@gov.mb.ca](mailto:rtbthompson@gov.mb.ca)

**Maanda gikendamowin temigad nowonj minik ezhising apii gagwedweng.**